

Ndihma ekonomike

Përfitojnë ndihmë ekonomike:

- a) familjet pa të ardhura
- b) jetimët të cilët nuk janë në institucione;
- c) prindërit e fëmijëve të lindur trinjakë e më shumë njëherësh, që u përkasin familjeve në nevojë;
- ç) viktimat e trafikimit, pas daljes nga institucionet e përkujdesjes shoqërore deri në çastin e punësimit të tyre;
- d) viktimat e dhunës në marrëdhënie familjare, për periudhën e vlefshmërisë së urdhrin të mbrojtjes ose të urdhrin të menjëhershëm të mbrojtjes.

Përfshihen nga përfitimi i ndihmës ekonomike familjet, të cilat kanë në përbërje të tyre edhe një anëtar të vetëm që plotëson kushtet e mëposhtme:

- a) Ndarjen e qëllimshme të anëtarëve të familjes, kur nuk krijohet një kurorë e re, me përjashtim të rastit vajzë nënë.
- b) Moslejimin e verifikimit të situatës sociale ekonomike në familje, edhe pas njoftimit të dytë nga ana e administratorit shoqëror.

Lista dokumentave

Për të përfituar ndihmë ekonomike kryefamiljari, së bashku me bashkëshorten paraqesin kërkesën pranë administratorit shoqëror të seksioneve të ndihmës dhe shërbimeve shoqërore në bashki/njësi administrative, ku kanë vendbanimin, së bashku me:

1. Çertifikatë e gjëndjes familjare me shënime përkatëse.
2. Fotokopje të kartave të identitetit për personat mbi 18 vjeç.
3. Vërtetim shkolle për ata që ndjekin arsimin e mesëm apo të lartë.
4. Vërtetim shkolle për fëmijët që ndjekin arsimin 9-vjeçar.
5. Librezat e vaksinimit për fëmijët.
6. Fotokopje e librezës së energjisë elektrike.
7. Certifikatën e pronësisë, të lëshuar nga Zyra e Regjistrimit të Pasurive të Paluajtshme apo aktin e marrjes në pronësi ose në përdorim të tokës (tapinë e tokës), për zonat ku regjistrimi i pronësisë nuk ka përfunduar ende.
8. Vërtetim page nga sigurimet shoqërore.
9. Fotokopje të raportit mjekësor për personat me aftësi të kufizuar ose invalid pune.
10. Vërtetimin e trajtimit në institucionet e përkujdesjes shoqërore, për rastet e parashikuara në shkronjën “ç” të këtij vendimi, të lëshuar brenda 30 ditëve të fundit;
11. Urdhrin e mbrojtjes ose urdhrin e menjëhershëm të mbrojtjes, për rastet e parashikuara në shkronjën “d” të këtij vendimi;
12. Vërtetimin e gjykatës që bashkëshortët e familjes që paraqitet për të përfituar ndihmë ekonomike janë në proces zgjidhjeje martesore;
13. Kopjen e noterizuar për statusin e jetimit, sipas kërkesave të parashikuara në ligjin “Për statusin e jetimit”, të ndryshuar, për rastet e parashikuara në shkronjën “b” të këtij vendimi;
14. Kopjen e vërtetimit të Komisionit Mjekësor të Caktimit të Aftësisë për Punë, për familjet që në përbërje të tyre kanë invalidë pune apo persona me aftësi të kufizuara që përfitojnë pagesë për aftësinë e kufizuar.

Kërkesa dhe dokumentacioni i parashikuar, paraqitet e ndarë nga secili bashkëshort, për rastet kur janë në proces zgjidhjeje martesore dhe ende nuk ka një vendim gjykatë të formës së prerë.

Administratori, në prani të kryefamiljarit dhe bashkëshortes, plotëson formularët për aplikim për ndihmë ekonomike.

Pas plotësimit të formularit “Aplikim për ndihmë ekonomike”, administratori shoqëror në bashki/komunë, brenda 15 (pesëmbëdhjetë) ditëve të para të çdo muaji, hedh në Regjistrin Kombëtar elektronik të dhënat e familjeve/individëve pretendues për ndihmë ekonomike. Vendimi për trajtimin me ndihmë ekonomike përcaktohet duke përdorur një formulë të vazhdueshme, që përfshin parametra të lidhur në mënyrë empirike me vlerësimin e situatës ekonomike të familjeve, të tilla si: kushtet e jetesës, zotërimi i pasurive, të ardhurat nga remitancat. Formula e pikëzuar merr parasysh karakteristikat e ndryshme strukturore të familjeve urbane dhe rurale.

Masa e ndihmës ekonomike

Ndihma ekonomike mund të jetë në masë të plotë ose të pjesshme. Përlllogaritja e masës së ndihmës ekonomike, për familjet e përzgjedhura në bazë të formulës së pikëzimit, bëhet sipas udhëzimit të miratuar nga Ministria perkatese. Masa e plotë e ndihmës ekonomike për familjen, pavarësisht nga përbërja e saj, nuk mund të jetë më e lartë se 8 000 (tetë mijë) lekë në muaj.

Masa e ndihmës ekonomike, në muaj, për prindërit e fëmijëve të lindur:

- a) trinjakë, është 3000 (tri mijë) lekë për çdo fëmijë;
- b) katërnjakë, është 4000 (katër mijë) lekë për çdo fëmijë;
- c) pesënjakë, është 5000 (pesë mijë) lekë për çdo fëmijë.

Masa e ndihmës ekonomike për viktimat e trafikimit është 3000 (tri mijë) lekë në muaj. Kjo ndihmë ekonomike përfitohet pas daljes nga institucionet e përkujdesjes shoqërore, deri në çastin e punësimit të tyre.

Masa e ndihmës ekonomike për viktimat e dhunës në marrëdhëniet familjare është 3000 (tri mijë) lekë në muaj. Kjo ndihmë ekonomike përfitohet gjatë periudhës së vlefshmërisë të urdhrin të mbrojtjes ose urdhrin të menjëhershëm të mbrojtjes, të përcaktuar në vendimin e gjykatës.

Për anëtarin e familjes në nevojë, që është person me aftësi të kufizuara, invalid pune, nuk llogaritet masë ndihme ekonomike në strukturën e masës së ndihmës ekonomike për familjen. Kur në përbërjen e strukturës së re, për efekt të llogaritjes së masës së ndihmës ekonomike, mbetet vetëm një anëtar, masa e ndihmës ekonomike për këtë të fundit është ajo e llogaritur për këtë anëtar.

Afati kohor i dhënies së shërbimit – Aplikimi realizohet nga data 1 deri në datën 15 të çdo muaji.

Kthimi i përgjigjes, për përfitim të ndihmës ekonomike merret brenda muajit.

Vendi : Pranë Njesisë Administrative përkatëse të Bashkisë Përmet